

添品妙法蓮華經卷第二

一百三十三
樹五

添品妙法蓮華經卷第二

隋三藏崛多笈多二法師添品

譬喻品第三

尔時舍利弗踊躍歡喜即起合掌瞻仰尊顏
而白佛言今從世尊聞此法音心懷踊躍得
未曾有所以者何我昔從佛聞如是法見諸

菩薩受記作佛而我等不預斯事甚自感傷
失於如來無量知見世尊我常獨處山林樹
下若坐若行每作是念我等同入法性云何
如來以小乘法而見濟度是我等各非世尊
也所以者何若我等待說所因成就阿耨多
羅三藐三菩提者必以大乘而得度脫



48096

等不解方便隨宜所說初聞佛法遇便信爲
思惟取證世尊我從昔來終日竟夜每自剋
責而今從佛聞所未聞未曾有法斷諸疑悔
身意泰然使得安隱今日乃知真是佛子從
佛口生從法化生得佛法分今時舍利弗欲
重宣此義而說偈言

我聞是法音 得所未曾有 心懷大歡喜
疑網皆已除 昔來蒙佛教 不失於大乘
佛音甚希有 能除衆生惱 我已得漏盡
聞亦除憂惱 我處於山谷 或在林樹下
若坐若經行 常思惟是事 嗚呼深自責
云何而自欺 我等亦佛子 同入無漏法

不能於未來

演說無上道

金色三十二

十力諸解脫

同共一法中

而不得此事

八十種妙好

十八不共法

如是等功德

而我皆已失

我獨經行時

見佛在大眾

名聞滿十方

廣饒益眾生

自惟失此利

我為自欺誑

我常於日夜

每思惟是事

欲以問世尊

為失為不失

我常見世尊

稱讚諸菩薩

以是於日夜

籌量如此事

今聞佛音聲

隨宜而說法

無漏難思議

令眾至道場

我本著邪見

為諸梵志師

世尊知我心

拔邪說涅槃

我悉除邪見

於空法得證

尔時心自謂

得至於滅度

而今乃自覺
具三十二相
是時乃可謂
說我當作佛
初聞佛所說
惱亂我心耶
其心安如海
無量滅度佛
現在未來佛
演說如是法
得道轉法輪
波旬無此事

非是實滅度
天人夜叉衆
永盡滅無餘
聞如是法音
心中大驚疑
佛以種種緣
我聞疑網斷
安任方便中
其數無有量
如今者世尊
亦以方便說
以是我定知

若得作佛時
龍神等恭敬
佛於大衆中
疑悔悉已除
將非魔作佛
譬喻巧言說
佛說過去世
亦皆說是法
亦以諸方便
從生及出家
世尊說實道
非是魔作佛

我墮疑網故

謂是魔所為

聞佛柔輒音

深遠甚微妙

演暢清淨法

我心大歡喜

疑悔永已盡

安住實智中

我定當作佛

為天人所敬

轉無上法輪

教化諸菩薩

尔時佛告舍利弗吾今於天人沙門婆羅門

等大衆中說我答曾於二萬億佛所為無上

道故常教化汝汝亦長夜隨我受學我以方

便引導汝故生我法中舍利弗我答教汝志

願佛道汝今悉忘而便自謂已得滅度我今

還欲令汝憶念本願所行道故為諸聲聞說

是大乘經名妙法蓮華教菩薩法佛所護念

舍利弗汝於未來世過無量無邊不可思議

劫供養若干千萬億佛奉持正法具足菩薩
所行之道當得作佛号曰華光如來應供正
遍知明行足善逝世間解無上士調御丈夫
天人師佛世尊國名離垢其土平正清淨嚴
飾安隱豐樂天人熾盛瑠璃為地有八交道
黃金為繩以界其側其傍各有七寶行樹常
有華果華光如來亦以三乘教化衆生舍利
弗彼佛出時雖非惡世以本願故說三乘法
其劫名大寶莊嚴何故名曰大寶莊嚴其國
中以菩薩為大寶故彼諸菩薩無量無邊不
可思議筭數譬喻所不能及非佛智力無能
知者若欲行時寶華承足此諸菩薩非初發

意皆久植德本於無量百千萬億佛所淨修
梵行恒為諸佛之所稱歎常修佛慧具大神
通善知一切諸法之門質直無偽志念堅固
如是菩薩充滿其國舍利弗華光佛壽十二
小劫除為王子未作佛時其國人民壽八小
劫華光如來過十二小劫授堅滿菩薩阿耨
多羅三藐三菩提記告諸比丘是堅滿菩薩
次當作佛号曰華足安行多陀阿伽度阿羅
訶三藐三佛陀其佛國土亦復如是舍利弗
是華光佛滅度之後正法住世三十二小劫
像法住世亦三十二小劫尔時世尊欲重宣
此義而說偈言

舍利弗來世

成佛普智尊

号名曰華光

當度無量眾

供養無數佛

具足菩薩行

十力等功德

證於無上道

過無量劫已

劫名大寶嚴

世界名離垢

清淨無瑕穢

以瑠璃為地

金繩界其道

七寶雜色樹

常有華果實

彼國諸菩薩

志念常堅固

神通波羅蜜

皆已悉具足

於無數佛所

善學菩薩道

如是等大士

華光佛所化

佛為王子時

棄國捨世榮

於最末後身

出家成佛道

華光佛任世

壽十二小劫

其國人民眾

壽命八小劫

佛滅度之後

正法住於世

三十二小劫

廣度諸眾生

正法滅盡已

像法三十二

舍利廣流布

天人普供養

華光佛所為

其事皆如是

其兩足聖尊

最勝無倫匹

彼即是汝身

宜應自欣慶

尔時四部衆比丘比丘尼優婆塞優婆夷天龍夜叉軋閻婆阿脩羅迦樓羅緊那羅摩睺羅伽等大衆見舍利弗於佛前受阿耨多羅三藐三菩提記心大歡喜踊躍無量各各脫身所著上衣以供養佛釋提桓因梵天王等與無數天子亦以天妙衣天曼陀羅華摩訶曼陀羅華等供養於佛所散天衣任虛空中而自迴轉諸天伎樂百千萬種於虛空中一

時俱作雨衆天華而作是言佛答於波羅奈
初轉法輪今乃復轉無上最大法輪尔時諸
天子欲重宣此義而說偈言
答於波羅奈 轉四諦法輪
五衆之生滅 今復轉最妙
是法甚深奧 少有能信者
數聞世尊說 未曾聞如是
世尊說是法 我等皆隨喜
今得受尊記 我等亦如是
於一切世間 最尊無有上
方便隨宜說 我所有福業
及見佛功德 盡迴向佛道
分別說諸法 無上大法輪
我等從答來 深妙之上法
大智舍利弗 必當得作佛
佛道叵思議 今世若過世

尔時舍利弗白佛言世尊我今無復疑悔親
於佛前得受阿耨多羅三藐三菩提記是諸
千二百心自在者皆住學地佛常教化言我
法能離生老病死究竟涅槃是學無學人亦
各自以離我見及有無見等謂得涅槃而今
於世尊前聞所未聞皆墮疑惑善哉世尊願
為四眾說其因緣令離疑悔尔時佛告舍利
弗我先不言諸佛世尊以種種因緣譬喻言
詞方便說法皆為阿耨多羅三藐三菩提耶
是諸所說皆為化菩薩故然舍利弗今當復
以譬喻更明此義諸有智者以譬喻得解舍
利弗若國邑聚落有大長者其年衰邁財富

無量多有田宅及諸僮僕其家廣大唯有一門多諸人衆一百二百乃至五百人止住其中堂閣朽故墻壁隕落柱根腐敗梁棟傾危周帀俱時欻然火起焚燒舍宅長者諸子若二十或至三十在此宅中長者見是大火從四面起即大驚怖而作是念我雖能於此所燒之門安隱得出而諸子等於火宅內樂著嬉戲不覺不知不驚不怖火來逼身苦痛切己心不厭患無求出意舍利弗是長者作是思惟我身手有力當以衣裓若以凡案從舍出之復更思惟是舍唯有一門而復陘小諸子幼稚未有所識戀著戲處或當墮落爲

火所燒我當爲說怖畏之事此舍已燒宜時
疾出無令爲火之所燒害作是念已如所思
惟具告諸子汝等速出父雖憐愍善言誘喻
而諸子等樂著嬉戲不肯信受不驚不畏了
無出心亦復不知何者是火何者爲舍云何
爲失但東西走戲視父而已尔時長者即作
是念此舍已爲大火所燒我及諸子若不時
出必爲所焚我今當設方便令諸子等得免
斯害父知諸子先心各有所好種種珍玩奇
異之物情必樂著而告之言汝等所可玩好
希有難得汝若不取後必憂悔如此種種羊
車鹿車牛車今在門外可以遊戲汝等於此

火宅宜速出來隨汝所欲皆當與汝介時諸子聞父所說珍玩之物適其願故心各勇銳爭相推排競共馳走爭出火宅是時長者見諸子等安隱得出皆於四衢道中露地而坐無復障礙其心泰然歡喜踊躍時諸子等各白父言父先所許玩好之具羊車鹿車牛車願時賜與舍利弗介時長者各賜諸子等大車其車高廣衆寶莊校周帀欄楯四面懸鈴又於其上張設幟蓋亦以珍竒雜寶而嚴飾之寶繩交絡垂諸華瓔重敷統縱安置丹枕駕以白牛膚色充潔形體姝好有大筋力行步平正其疾如風又多僕從而侍衛之所

以者何是大長者財富無量種種諸藏悉皆
充溢而作是念我財物無極不應以下劣小
車與諸子等今此幼童皆是吾子愛無偏黨
我有如是七寶大車其數無量應當等心各
各與之不宜差別所以者何以我此物周給
一國猶尚不匱何況諸子是時諸子各乘大
車得未曾有非本所望舍利弗於汝意云何
是長者等與諸子珍寶大車寧有虛妄不舍
利弗言不也世尊是長者但令諸子得免大
難全其軀命非為虛妄何以故若全身命便
為已得玩好之具況復方便於彼火宅而拔
濟之世尊若是長者乃至不與最小一車猶

不虛妄何以故是長者先作是意我以方便
令子得出以是因緣無虛妄也何況長者自
知財富無量欲饒益諸子等與大車佛告舍
利弗善哉善哉如汝所言舍利弗如來亦復
如是則爲一切世間之父於諸怖畏衰惱憂
患無明闇蔽永盡無餘而悉成就無量知見
力無所畏有大神力及智慧力具足方便智
慧波羅蜜大慈大悲常無懈倦恒求善事利
益一切而生三界朽故火宅爲度衆生生老
病死憂悲苦惱愚癡闇蔽三毒之火教化令
得阿耨多羅三藐三菩提見諸衆生爲生老
病死憂悲苦惱之所燒煮亦以五欲財利故

受種種苦又以貪著追求故現受衆苦後受
地獄畜生餓鬼之苦若生天上及在人間貧
窮困苦愛別離苦怨憎會苦如是等種種諸
苦衆生沒在其中歡喜遊戲不覺不知不驚
不怖亦不生厭不求解脫於此三界火宅東
西馳走雖遭大苦不以爲患舍利弗佛見此
已便作是念我爲衆生之父應拔其苦難與
無量無邊佛智慧樂令其遊戲舍利弗如來
復作是念若我但以神力及智慧力捨於方
便爲諸衆生讚如來知見力無所畏者衆生
不能以是得度所以者何是諸衆生未免生
老病死憂悲苦惱而爲三界火宅所燒何由

能解佛之智慧舍利弗如彼長者雖復身手
有力而不用之但以慇懃方便免濟諸子火
宅之難然後各與珍寶大車如來亦復如是
雖有力無所畏而不用之但以智慧方便於
三界火宅拔濟衆生為說三乘聲聞辟支佛
佛乘而作是言汝等莫得樂住三界火宅勿
貪麤弊色聲香味觸也若貪著生愛則為所
燒汝等速出三界當得三乘聲聞辟支佛佛
乘我今為汝保任此事終不虛也汝等但當
勤修精進如來以是方便誘進衆生復作是
言汝等當知此三乘法皆是聖所稱歎自在
無繫無所依求乘是三乘以無漏根力覺道

禪定解脫三昧等而自娛樂便得無量安隱
快樂舍利弗若有衆生內有智性從佛世尊
聞法信受慇懃精進欲速出三界自求涅槃
是名聲聞乘如彼諸子為求羊車出於火宅
若有衆生從佛世尊聞法信受慇懃精進求
自然慧樂獨善寂深知諸法因緣是名辟支
佛乘如彼諸子為求鹿車出於火宅若有衆
生從佛世尊聞法信受勤修精進求一切智
佛智自然智無師智如來知見力無所畏愍
念安樂無量衆生利益天人度脫一切是名
大乘菩薩求此乘故名為摩訶薩如彼諸子
為求牛車出於火宅舍利弗如彼長者見諸

子等安隱得出火宅到無畏處自惟財富無
量等以大車而賜諸子如來亦復如是為一
切衆生之父若見無量億千衆生以佛教門
出三界苦怖畏險道得涅槃樂如來亦時便
作是念我有無量無邊智慧力無畏等諸佛
法藏是諸衆生皆是我子等與大乘不令有
人獨得滅度皆以如來滅度而滅度之是諸
衆生脫三界者悉與諸佛禪定解脫等娛樂
之具皆是一相一種聖所稱歎能生淨妙第
一之樂舍利弗如彼長者初以三車誘引諸
子然後但與大車寶物莊嚴安隱第一然彼
長者無虛妄之咎如來亦復如是無有虛妄

初說三乘引道導衆生然後但以大乘而度脫
之何以故如來有無量智慧力無所畏諸法
之藏能與一切衆生大乘之法但不盡能受
舍利弗以是因緣當知諸佛方便力故於一
佛乘分別說三佛欲重宣此義而說偈言

譬如長者有一大宅其宅久故而復頓弊

堂舍高危柱根摧朽梁棟傾斜基陛隕毀

墻壁圯坼泥塗陀落覆苫亂墜椽杙差脫

周障屈曲雜穢充徧有五百人止任其中

鷄梟鵬鷲烏鵲鳩鴿蚺蛇蝮蠍蜈蚣蚰蜒

守宮百足豺狸鼯鼠諸惡蟲輩交橫馳走

屎尿臭處不淨流溢蟻蝻諸蟲而集其上

狐狼野干 咀嚼踐蹋 齧齧死死 骨肉狼籍
由是羣狗 競來搏撮 飢羸惴惶 處處求食
鬪爭齧掣 嗥嗥嗥吠 其舍恐怖 變狀如是
處處皆有 魑魅魍魎 夜叉惡鬼 食取人肉
毒蟲之屬 諸惡禽獸 孚乳產生 各自蔽護
夜叉競來 爭取食之 食之既飽 惡心轉熾
鬪諍之聲 甚可怖畏 鳩槃荼鬼 蹲踞土埗
或時離地 一尺二尺 徃反遊行 縱逸嬉戲
捉狗兩足 撲令失聲 以脚加頸 怖狗自樂
復有諸鬼 其身長大 裸形黑瘦 常住其中
發大惡聲 叫呼求食 復有諸鬼 其咽如針
復有諸鬼 首如牛頭 或食人肉 或復噉狗

頭髮蓬亂殘害兇險飢渴所逼叫喚馳走
夜叉餓鬼諸惡鳥獸飢急四向窺看牕牖
如是諸難恐畏無量是朽故宅屬于一人
其人近出未久之間於後舍宅欬然火起
四面一時其焰俱熾棟梁椽柱爆聲震裂
墻壁崩倒諸鬼神等揚聲大叫
鵙鷲諸鳥鳩槃荼等周惶惶怖不能自出
惡獸毒蟲藏竄孔穴毗舍闍鬼亦任其中
薄福德故為火所逼共相殘害飲血噉肉
野干之屬並已前死諸大惡獸競來食噉
臭烟燧焯四面充塞蜈蚣蚰蜒毒蛇之類
為火所燒爭走出穴鳩槃荼鬼隨取而食

又諸餓鬼頭上火然 飢渴熱惱周憶悶走
其宅如是甚可怖畏 毒害火災衆難非一
是時宅主在門外立 聞有人言汝諸子等
先因遊戲來入此宅 稚小無知歡娛樂著
長者聞已驚入火宅 方宜救濟今無燒害
告喻諸子說衆患難 惡鬼毒蟲災火蔓延
衆苦次第相續不絕 毒虵蚊蠅及諸夜叉
鳩槃荼鬼野干狐狗 鵙鷲鴟梟百足之屬
飢渴惱急甚可怖畏 此苦難處況復大火
諸子無知雖聞父誨 猶故樂著嬉戲不已
是時長者而作是念 諸子如此益我愁惱
今此舍宅無一可樂 而諸子等耽湎嬉戲

不受我教將爲火害即便思惟設諸方便
告諸子等我有種種珍玩之具妙寶好車
羊車鹿車大牛之車今在門外汝等出來
吾爲汝等造作此車隨意所樂可以遊戲
諸子聞說如此諸車即時奔競馳走而出
到於空地離諸苦難長者見子得出火宅
住於四衢坐師子座而自慶言我今快樂
此諸子等生育甚難愚小無知而入險宅
多諸毒蟲魑魅可畏大火猛焰四面俱起
而此諸子貪樂嬉戲我已救之今得脫難
是故諸人我今快樂今時諸子知父安坐
皆詣父所而白父言願賜我等三種寶車

如前所許諸子出來當以三車隨汝所欲
今正是時唯垂給與長者大富庫藏衆多
金銀瑠璃碑礫碼碯以衆寶物造諸大車
裝校嚴飾周帀欄楯四面懸鈴金繩交絡
真珠羅網張施其上金華諸纓處處垂下
衆彩雜飾周帀圍遶柔軟繒纊以爲茵蓐
上妙細氎價直千億鮮白淨潔以覆其上
有大白牛肥壯多力形體姝好以駕寶車
多諸僮從而侍衛之以是妙車等賜諸子
諸子是時歡喜踊躍乘是寶車遊於四方
嬉戲快樂自在無礙告舍利弗我亦如是
衆聖中尊世間之父一切衆生皆是吾子

深著世樂 無有慧心 三界無安 猶如火宅
衆苦充滿 甚可怖畏 常有生老 病死憂患
如是等火 熾然不息 如來已離 三界火宅
寂然閑居 安處林野 今此三界 皆是我有
其中衆生 悉是吾子 而今此處 多諸患難
唯我一人 能為救護 雖復教詔 而不信受
於諸欲染 貪著深故 以是方便 為說三乘
今諸衆生 知三界苦 開示演說 出世間道
是諸子等 若心決定 具足三明 及六神通
有得緣覺 不退菩薩 汝舍利弗 我為衆生
以此譬喻 說一佛乘 汝等若能 信受是語
一切皆當 成得佛道 是乘微妙 清淨第一

於諸世間為無有上佛所悅可一切衆生
所應稱讚供養禮拜無量億千諸力解脫
禪定智慧及佛餘法得如是乘今諸子等
日夜劫數常得遊戲與諸菩薩及聲聞衆
乘此寶乘直至道場以是因緣十方諦求
更無餘乘除佛方便告舍利弗汝諸人等
皆是吾子我則是父汝等累劫衆苦所燒
我皆濟拔令出三界我雖先說汝等滅度
但盡生死而實不滅今所應作唯佛智慧
若有菩薩於是衆中能一心聽諸佛實法
諸佛世尊雖以方便所化衆生皆是菩薩
若人小智深著愛欲為此等故說於苦諦

衆生心喜 得未曾有 佛說苦諦 真實無異
若有衆生 不知苦本 深著苦因 不能暫捨
為是等故 方便說道 諸苦所因 貪欲為本
若滅貪欲 無所依止 滅盡諸苦 名第三諦
為滅諦故 修行於道 離諸苦縛 名得解脫
是人於何 而得解脫 但離虛妄 名為解脫
其實未得 一切解脫 佛說是人 未實滅度
斯人未得 無上道故 我意不欲 令至滅度
我為法王 於法自在 安隱衆生 故現於世
汝舍利弗 我此法印 為欲利益 世間故說
在所遊方 勿妄宣傳 若有聞者 隨喜頂受
當知是人 阿鞞越致 若有信受 此經法者

是人已曾見過去佛恭敬供養亦聞是法
若人有能信汝所說則為見我亦見於汝
及比丘僧并諸菩薩斯法華經為深智說
淺識聞之迷惑不解一切聲聞及辟支佛
於此經中力所不及汝舍利弗尚於此經
以信得入況餘聲聞其餘聲聞信佛語故
隨順此經非已智分又舍利弗憍慢懈怠
計我見者莫說此經凡夫淺識深著五欲
聞不能解亦勿為說若人不信毀謗此經
則斷一切世間佛種或復嘖感而懷疑惑
汝當聽說此人罪報若佛在世若滅度後
其有誹謗如斯經典見有讀誦書持經者

輕賤憎嫉 而懷結恨 此人罪報 汝今復聽
其人命終 入阿鼻獄 具足一劫 劫盡更生
如是展轉 至無數劫 從地獄出 當墮畜生
若狗野干 其形頷瘦 鬣鬣疥癩 人所觸媿
又復為人 之所惡賤 常困飢渴 骨肉枯竭
生受楚毒 死被瓦石 斷佛種故 受斯罪報
若作駝駝 或生驢中 身常負重 加諸杖捶
但念水草 餘無所知 謗斯經故 獲罪如是
有作野干 來入聚落 身體疥癩 又無一目
為諸童子 之所打擲 受諸苦痛 或時致死
於此死已 更受蟒身 其形長大 五百由旬
聳駮無足 宛轉腹行 為諸小蟲 之所啜食

晝夜受苦 無有休息 謗斯經故 獲罪如是

若得為人 諸根闇鈍 矬陋孿臂 盲聾背偻

有所言說 人不信受 口氣常臭 鬼魅所著

貧窮下賤 為人所使 多病瘠瘦 無所依怙

雖親附人 人不在意 若有所得 尋復忘失

若修醫道 順方治病 更增他疾 或復致死

若自有病 無人救療 設服良藥 而復增劇

若他反逆 抄劫竊盜 如是等罪 橫羅其殃

如斯罪人 永不見佛 眾聖之王 說法教化

如斯罪人 常生難處 狂聾心亂 永不聞法

於無數劫 如恒河沙 生輒聾瘖 諸根不具

常處地獄 如遊園觀 在餘惡道 如已舍宅

駝驢猪狗 是其行處 謗斯經故 獲罪如是

若得為人 聾盲瘖瘂 貧窮諸衰 以自莊嚴

水腫乾疔 疥癩癰疽 如是等病 以為衣服

身常臭處 垢穢不淨 深著我見 增益瞋恚

姪欲熾盛 不擇禽獸 謗斯經故 獲罪如是

告舍利弗 謗斯經者 若說其罪 窮劫不盡

以是因緣 我故語汝 無智人中 莫說此經

若有利根 智慧明了 多聞強識 求佛道者

如是之人 乃可為說 若人曾見 億百千佛

植諸善本 深心堅固 如是之人 乃可為說

若人精進 常修慈心 不惜身命 乃可為說

若人恭敬 無有異心 離諸凡愚 獨處山澤

如是之人 乃可為說 又舍利弗 若見有人

捨惡知識 親近善友 如是之人 乃可為說

若見佛子 持戒清潔 如淨明珠 求大乘經

如是之人 乃可為說 若人無瞋 質直柔軟

常愍一切 恭敬諸佛 如是之人 乃可為說

復有佛子 於大眾中 以清淨心 種種因緣

譬喻言詞 說法無礙 如是之人 乃可為說

若有比丘 為一切智 四方求法 合掌頂受

但樂受持 大乘經典 乃至不受 餘經一偈

如是之人 乃可為說 如人至心 求佛舍利

如是求經 得已頂受 其人不復 志求餘經

亦未曾念 外道典籍 如是之人 乃可為說

告舍利弗我說是相求佛道者窮劫不盡
如是等人則能信解汝當為說妙法華經
妙法蓮華經信解品第四

爾時慧命須菩提摩訶迦旃延摩訶迦葉摩
訶目捷連從佛所聞未曾有法世尊授舍利
弗阿耨多羅三藐三菩提記發希有心歡喜
踊躍即從座起整衣服偏袒右肩古膝著地
一心合掌曲躬恭敬瞻仰尊顏而白佛言我
等居僧之首年並朽邁自謂已得涅槃無所
堪任不復進求阿耨多羅三藐三菩提世尊
往嘗說法既久我時在座身體疲懈但念空
無相無作於菩薩法遊戲神通淨佛國土成

就衆生心不喜樂所以者何世尊令我等出
於三界得涅槃證又今我等年已朽邁於佛
教化菩薩阿耨多羅三藐三菩提不生一念
好樂之心我等今於佛前聞授聲聞阿耨多
羅三藐三菩提心甚歡喜得未曾有不謂
於今忽然得聞希有之法深自慶幸獲大善
利無量珍寶不求自得世尊我等今者樂說
譬喻以明斯義譬若有人年既幼稚捨父逃
逝久住他國或十二至五十歲年既長大
加復窮困馳騁四方以求衣食漸漸遊行遇
向本國其父先來求子不得中止一城其家
大富財寶無量金銀瑠璃珊瑚琥珀瓊珠

等其諸倉庫悉皆盈溢多有僮僕臣佐吏民
象馬車乘牛羊無數出入息利乃徧他國商
估賈客亦甚衆多時貧窮子遊諸聚落經歷
國邑遂到其父所止之城父每念子與子離
別五十餘年而未曾向人說如此事但自思
惟心懷悔恨自念老朽多有財物金銀珍寶
倉庫盈溢無有子息一旦終歿財物散失無
所委付是以慙勤每憶其子復作是念我若
得子委付財物坦然快樂無復憂慮世尊尔
時窮子傭賃展轉遇到父舍任立門側遙見
其父踞師子牀寶机承足諸婆羅門刹利居
士皆恭敬圍遶以真珠瓔珞價直千萬莊嚴

其身吏民僮僕手執白拂侍立左右覆以寶
帳垂諸華幡香水灑地散衆名華羅列寶物
出內取與有如是等種種嚴飾威德特尊窮
子見父有大力勢即懷恐怖悔來至此竊作
是念此或是王或是王等非我傭力得物之
處不如往至貧里肆力有地衣食易得若久
住此或見逼迫強使我作作是念已疾走而
去時富長者於師子座見子便識心大歡喜
即作是念我財物庫藏今有所付我常思念
此子無由見之而忽自來甚適我願我雖年
朽猶故貪惜即遣傍人急追將還尔時使者
疾走往捉窮子驚愕稱怨大喚我不相犯何

爲見捉使者執之逾急強牽將還于時窮子
自念無罪而被囚執此必定死轉更惶怖悶
絕躡地父遙見之而語使言不須此人勿強
將來以冷水灑面令得醒悟莫復與語所以
者何父知其子志意下劣自知豪貴爲子所
難審知是子而以方便不語他人云是我子
使者語之我今放汝隨意所趣窮子歡喜得
未曾有從地而起往至貧里以求衣食介時
長者將欲誘引其子而設方便密遣二人形
色憔悴無威德者汝可詣彼徐語窮子此有
作處倍與汝直窮子若許將來使作若言欲
何所作便可語之雇汝除糞我等二人亦共

汝作時二使人即求窮子既已得之具陳上
事余時窮子先取其價尋與除糞其父見子
愍而恠之又以他日於牕牖中遙見子身羸
瘦憔悴糞土塵坌汙穢不淨即脫瓔珞細軟
上服嚴飾之具更著麤弊垢賦之衣塵土坌
身右手執持除糞之器狀有所畏語諸作人
汝等勤作勿得懈怠以方便故得近其子又
復告言咄男子汝常此作勿復餘去當加汝
價諸有所須瓮器米麵鹽酢之屬莫自疑難
亦有老弊使人須者相給好自安意我如汝
父勿復憂慮所以者何我年老大而汝少壯
汝常作時無有欺怠瞋恨怨言都不見汝有

此諸惡如餘作人自今已後如所生子即時
長者更與作字名之爲兒尔時窮子雖欣此
遇猶故自謂客作賤人由是之故於二十年
中常令除糞過是已後心相體信入出無難
然其所止猶在本處世尊尔時長者有疾自
知將死不久語窮子言我今多有金銀珍寶
一倉庫盈溢其中多少所應取與汝悉知之我
心如是當體此意所以者何今我與汝便爲
不異宜加用心無令漏失尔時窮子即受教
勅領知衆物金銀珍寶及諸庫藏而無希取
一食之意然其所止故在本處下劣之心亦
未能捨復經少時父知子意漸以通泰成就

大志自鄙先心臨欲終時而命其子并會親
族國王大臣刹利居士皆悉已集即自宣言
諸君當知此是我子我之所生於某城中捨
吾逃走踰躄辛苦五十餘年其本字某我名
某甲昔在本城懷憂推覓忽於此間遇會得
之此實我子我實其父今我所有一切財物
皆是予有先所出內是子所知世尊是時窮
子聞父此言即大歡喜得未曾有而作是念
我本無心有所希求今此寶藏自然而至世
尊大富長者則是如來我等皆似佛子如來
常說我等爲子世尊我等以三苦故於生死
中受諸熱惱迷惑無知樂著小法今日世尊

今我等思惟蠲除諸法戲論之糞我等於中
勤加精進得至涅槃一日之價既得此已心
大歡喜自以爲足而便自謂於佛法中勤精
進故所得弘多然世尊先知我等心著弊欲
樂於小法便見縱捨不爲分別汝等當有如
來知見寶藏之分世尊以方便力說如來智
慧我等從佛得涅槃一日之價以爲大得於
此大乘無有志求我等又因如來智慧爲諸
菩薩開示演說而自於此無有志願所以者
何佛知我等心樂小法以方便力隨我等說
而我等不知真是佛子今我等方知世尊於
佛智慧無所悋惜所以者何我等皆來真是

佛子而但樂小法若我等有樂大之心佛則
為我說大乘法今此經中唯說一乘而答於
菩薩前毀訾聲聞樂小法者然佛實以大乘
教化是故我等說本無心有所希求今法王
大寶自然而至如佛子所應得者皆已得之
尔時摩訶迦葉欲重宣此義而說偈言

我等今日聞佛音教歡喜踊躍得未曾有
佛說聲聞當得作佛無上寶聚不來自得
譬如童子幼稚無識捨父逃逝遠到他土
周流諸國五十餘年其父憂念四方推求
求之既疲頓止一城造立舍宅五欲自娛
其家巨富多諸金銀碑磔碼碯真珠瑠璃

象馬牛羊。輦輿車乘。田業僮僕。人民衆多。出入息利。乃遍他國。賣估賈人。無處不有。千萬億衆。圍繞恭敬。常為王者。之所愛念。群臣豪族。皆共宗重。以諸緣故。往來者衆。豪富如是。有大力勢。而年朽邁。益憂念子。夙夜惟念。死時將至。癡子捨我。五十餘年。庫藏諸物。當如之何。尔時窮子。求索衣食。從邑至邑。從國至國。或有所得。或無所得。飢餓羸瘦。體生瘡癬。漸次經歷。到父住城。傭賃展轉。遂至父舍。尔時長者。於其門內。施大寶帳。處師子座。眷屬圍繞。諸人侍衛。或有計筭。金銀寶物。出內財產。注記券疏。

窮子見父 豪貴尊嚴 謂是國王 若真是王等
驚怖自恠 何故至此 覆自念言 我若久任
或見逼迫 強駢使作 思惟是已 馳走而去
借問貧里 欲往傭作 長者是時 在師子座
遙見其子 默而識之 即勅使者 追捉將來
窮子驚喚 迷悶躡地 是人執我 必當見煞
何用衣食 使我至此 長者知子 愚癡陋劣
不信我言 不信是父 即以方便 更遣餘人
眇目矧陋 無威德者 汝可語之 云當相雇
除諸糞穢 倍與汝價 窮子聞之 歡喜隨來
為除糞穢 淨諸房舍 長者於牖 常見其子
念子愚劣 樂為鄙事 於是長者 著弊垢衣

執除糞器往到子所方便附近語令勤作
既益汝價并塗足油飲食充足薦席厚暖
如是苦言汝當勤作又以軟語若如我子
長者有智漸令入出經二十年執作家事
示其金銀真珠玻璃諸物出入皆使令知
猶處門外止宿草庵自念貧事我無此物
父知子心漸已曠大欲與財物即聚親族
國王大臣刹利居士於此大衆說是我子
捨我他行經五十歲自見子來已二十年
管於某城而失是子周行求索遂來至此
凡我所有舍宅人民悉以付之恣其所用
子念管貧志意下劣今於父所大獲珍寶

并及舍宅一切財物甚大歡喜得未曾有
佛亦如是知我樂小未曾說言汝等作佛
而說我等得諸無漏成就小乘聲聞弟子
佛勅我等說最上道修習此者當得成佛
我承佛教為大菩薩以諸因緣種種譬喻
若干言詞說無上道諸佛子等從我聞法
日夜思惟精勤修習是時諸佛即授其記
汝於來世當得作佛一切諸佛秘藏之法
但為菩薩演其實事而不為我說斯真要
如彼窮子得近其父雖知諸物心不希取
我等雖說佛法寶藏自無志願亦復如是
我等內滅自謂為足唯了此事更無餘事

我等若聞淨佛國土教化衆生都無欣樂
所以者何一切諸法皆悉空寂無生無滅
無大無小無漏無為如是思惟不生喜樂
我等長夜於佛智慧無貪無著無復志願
而自於法謂是究竟我等長夜修習空法
得脫三界苦惱之患任最後身有餘涅槃
佛所教化得道不虛則為已得報佛之恩
我等雖為諸佛子等說菩薩法以求佛道
而於是法永無願樂導師見捨觀我心故
初不勸進說有實利如富長者知子志劣
以方便力柔伏其心然後乃付一切財寶
佛亦如是現希有事知樂小者以方便力

調伏其心乃教大智我等今日得未曾有
非先所望而今自得如彼窮子得無量寶
世尊我今得道得果於無漏法得清淨眼
我等長夜持佛淨戒始於今日得其果報
法王法中久修梵行今得無漏無上大果
我等今者真是聲聞以佛道聲令一切聞
我等今者真阿羅漢於諸世間天人魔梵
普於其中應受供養世尊大恩以希有事
憐愍教化利益我等無量億劫誰能報者
手足供給頭頂禮敬一切供養皆不能報
若以頂戴兩肩荷負於恒沙劫盡心恭敬
又以美膳無量寶衣及諸卧具種種湯藥

牛頭栴檀及諸珍寶以起塔廟寶衣布地
如斯等事以用供養於恒沙劫亦不能報
諸佛希有無量無邊不可思議大神通力
無漏無為諸法之王能為下劣忍于斯事
取相凡夫隨宜而說諸佛於法得最自在
知諸衆生種種欲樂及其志力隨所堪任
以無量喻而為說法隨諸衆生宿世善根
又知成熟未成熟者種種等量分別知已
於一乘道隨宜說三

添品妙法蓮華經卷第二

樹

楊茂

作馳貂鼠之類也正法華經作猶去鼯鼠音上

如鹿能上樹而食下力之反野猫也鼯鼠音上

食鳥獸而不覺痛潜蜚螻上苦良反下音良

狐狼郎上野音胡下類咀嚼上才約反踐蹋上音

音齧齧下吾結反咬也搏撮也擊也下子持

活反捉羸反力垂齧制上側加反齒挽也下尺

撮也反捉羸反力垂齧制上側加反齒挽也下尺

老物精也魁兩二字音孚乳上芳無反蹲踞上音

惟也坐音堆丁果反撲蒲角裸形上郎果反

據箕坐也堆丁果反撲蒲角裸形上郎果反

咽音煙咽蓬乱作上薄紅反窺視傾弥反爆教必

又必角烈也竄七乱反驂反彼力也烽焯下上正作蓬

起盛負煙蔓廷上音万下延字云聲妮媼含上都

下弥輦反正作繒繡下苦况反綿也綵茵蓐音上

因下音辱豔布也毛儋從下疾必刃反鞞跋上

迷反下音頰或上音頻正作颯下頁音窟頭秃

因下音厚
正作禡
正音厚
正音厚
正音厚
正音厚
正音厚
正音厚
正音厚
正音厚
正音厚

迷反下
蒲末反下
嘖反上
嘖反上
嘖反上
嘖反上
嘖反上
嘖反上
嘖反上
嘖反上

鰲黥梨上力
鰲黥梨下力
鰲黥梨下力
鰲黥梨下力
鰲黥梨下力
鰲黥梨下力
鰲黥梨下力
鰲黥梨下力
鰲黥梨下力
鰲黥梨下力

嬈又音鳥
嬈又音鳥
嬈又音鳥
嬈又音鳥
嬈又音鳥
嬈又音鳥
嬈又音鳥
嬈又音鳥
嬈又音鳥
嬈又音鳥

麟中莫朗
麟中莫朗
麟中莫朗
麟中莫朗
麟中莫朗
麟中莫朗
麟中莫朗
麟中莫朗
麟中莫朗
麟中莫朗

小反也
短
孿臂是
孿臂是
孿臂是
孿臂是
孿臂是
孿臂是
孿臂是
孿臂是

瘠瘦渴上
瘠瘦渴上
瘠瘦渴上
瘠瘦渴上
瘠瘦渴上
瘠瘦渴上
瘠瘦渴上
瘠瘦渴上
瘠瘦渴上
瘠瘦渴上

音皮也
馳馬馳
馳馬馳
馳馬馳
馳馬馳
馳馬馳
馳馬馳
馳馬馳
馳馬馳
馳馬馳

雇也
机居矣
机居矣
机居矣
机居矣
机居矣
机居矣
机居矣
机居矣
机居矣

也
机居矣
机居矣
机居矣
机居矣
机居矣
机居矣
机居矣
机居矣
机居矣

碑美反
碑美反
碑美反
碑美反
碑美反
碑美反
碑美反
碑美反
碑美反
碑美反

也
悒悒
悒悒
悒悒
悒悒
悒悒
悒悒
悒悒
悒悒
悒悒

也
隘 狹 二同 成
眇 目小也
庵 烏舍
膳 舍

漆品法花經第二卷

樹



